

## ৪.৩.২ ‘কেমন পুলিশ চাই’

### জনমত জরীপের ফলাফল বিশ্লেষণ ও মতামত:

পুলিশ সংস্কার কমিশনের সিদ্ধান্তের আলোকে বিগত ৩১-১০-২০২৪ ইং তারিখে ‘কেমন পুলিশ চাই’ উপপাদ্যের আওতায় একটি প্রশ্নমালা অনলাইনে প্রচার করা হয়। ব্যাপক প্রচারের জন্য সংবাদ মাধ্যমে স্কল প্রচার করা হয় এবং স্বরাষ্ট্র মন্ত্রণালয়ের নিজস্ব ওয়েব সাইটে প্রচারিত হয়। ১৫ নভেম্বর ২০২৪ইং তারিখের মধ্যে মতামত প্রেরণের অনুরোধের প্রেক্ষিতে উল্লেখিত সময় পর্যন্ত মোট ২৪,৪৪২ জন মতামত প্রদান করেছেন। মতামত গুণল ফর্মেটে গৃহীত হয়েছে।

### জরীপের সীমাবদ্ধতা:


সময়ের স্বল্পতার কারণে জরীপ কাজটিকে পরিপূর্ণ গবেষণাধর্মী উদ্দেশ্য ও অবয়বে পরিচালনা করা সম্ভব হয়নি। যেকারণে উপাত্ত বিশ্লেষণে বিভিন্ন পরিসংখ্যানগত পদ্ধতি বা টুলস (Statistical measures and tools) ব্যবহার করা হয়নি। বরং পুলিশ বাহিনীর আচরণগত ও প্রাতিষ্ঠানিক পরিবর্তনে দ্রুত তথ্যজ্ঞাপক বাহন হিসাব কার্যকর পদ্ধতি গ্রহণ করা হয়েছে। আমাদের বিশ্লেষণে শতকরা হিসাব, পাইচার্ট (Pie chart) ও বার (Bar) ডায়াগ্রামে সীমাবদ্ধ রাখা হয়েছে। দ্বিতীয়ত: জরীপকাজে বিভিন্ন বিধিবিধান ও বিগত সময়ের রাজনৈতিক অবস্থা, সমসাময়িক পটপরিবর্তন, ছাত্র আন্দোলন ইত্যাদি যাবতীয় বিষয়ে মোটামুটি স্বচ্ছ ধারণা থাকলে তা উত্তরদাতার জন্য সহায়ক হয় এবং অধিকন্তু কোনো তথ্য সংগ্রহকারী (data collector) নিয়োগ করে তথ্য সংগ্রহ করা সম্ভবপর হয়নি তাই দরিদ্র জনগোষ্ঠী বা আমজনতা কাছে পৌঁছানো সম্ভব হয়নি।

### তথ্য বিশ্লেষণ ও মতামত:

জরীপে প্রাপ্ত পরিসংখ্যানের আলোকে মতামত লিখন প্রাধান্য পেয়েছে। তবে কোনো কোনো ক্ষেত্রে পুলিশ সংস্কার কমিশনে আলোচনা ও গৃহীত সিদ্ধান্তের আলোকে সুপারিশ লিপিবদ্ধ করা হয়েছে।

## ১। বয়স

মোট রেসপন্স ২৪,৪৪২




- ১৮ বছর এর নিচে
- ১৮ বছর - ২৪ বছর
- ২৫ বছর - ৩৪ বছর
- ৩৫ বছর - ৪৪ বছর
- ৪৫ বছর - ৫৪ বছর
- ৫৫ বছর - ৬৪ বছর
- ৬৫ বছরের উপরে

| বয়স            | রেসপন্স       |
|-----------------|---------------|
| ১৮ বছর এর নিচে  | ৩৪৮ (১.৪%)    |
| ১৮ বছর - ২৪ বছর | ৫৬৮৮ (২৩.৩%)  |
| ২৫ বছর - ৩৪ বছর | ১০৪২৭ (৪২.৭%) |
| ৩৫ বছর - ৪৪ বছর | ৫০৪৪ (২০.৬%)  |
| ৪৫ বছর - ৫৪ বছর | ১৯৭২ (৮.১%)   |
| ৫৫ বছর - ৬৪ বছর | ৭৫৪ (৩.১%)    |
| ৬৫ বছরের উপরে   | ২০৯ (০.৯%)    |

মতামত: ২৪,৪৪২ জন উত্তরদাতার ক্ষেত্রে ১৮-৪৪ বছরে অন্তর্ভুক্ত ব্যক্তিই অধিক (৮৬.৬%)

## ২। লিঙ্গ

মোট রেসপন্স ২৪,৪৪২




- পুরুষ
- মহিলা
- অন্যান্য

| লিঙ্গ    | রেসপন্স       |
|----------|---------------|
| পুরুষ    | ২৩১৯১ (৯৪.৯%) |
| মহিলা    | ১২৫১ (৫.১%)   |
| অন্যান্য | ০ (০%)        |

মতামত: উত্তরদাতাদের প্রায় ৯৫% পুরুষ।

## ৩। পেশা

মোট রেসপন্স ২৪,৪৪২




- চাকুরিজীবী
- অধ্যাপক/শিক্ষক
- আইনজীবী
- সাংবাদিক
- ছাত্র
- চিকিৎসক
- ইঞ্জিনিয়ার
- কৃষিবিদ
- ব্যবসায়ী
- এনজিও কর্মী
- প্রবাসী
- কৃষক
- শ্রমজীবী
- অন্যান্য

| পেশা           | রেসপন্স      | পেশা        | রেসপন্স     |
|----------------|--------------|-------------|-------------|
| চাকুরিজীবী     | ৮৮৯৮ (৩৬.৪%) | কৃষিবিদ     | ৯৬ (০.৪%)   |
| অধ্যাপক/শিক্ষক | ১১৫৮ (৪.৭%)  | ব্যবসায়ী   | ১৮৫৬ (৭.৬%) |
| আইনজীবী        | ২৬৭ (১.১%)   | এনজিও কর্মী | ২২৬ (০.৯%)  |
| সাংবাদিক       | ২৫৫ (১.১%)   | প্রবাসী     | ১০৪৫ (৪.৩%) |
| ছাত্র          | ৬৬৪৫ (২৭.২%) | কৃষক        | ৮৫ (০.৩%)   |
| চিকিৎসক        | ৪৫০ (১.৮%)   | শ্রমজীবী    | ২৮৮ (১.২%)  |
| ইঞ্জিনিয়ার    | ১৭৩৭ (৭.১%)  | অন্যান্য    | ১৪৩৬ (৫.৯%) |

**মতামত:** উত্তরদাতাদের পেশাভিত্তিক ১৪টি বিভাগে সর্বোচ্চ চাকুরিজীবী (৩৬.৪%), পরবর্তীতে ছাত্র (২৭.২%) ও ব্যবসায়ী (৭.৬%) ও ৭.১% ইঞ্জিনিয়ারের অংশগ্রহণ প্রাধান্যযো্য।

**৪। জেলা:**  
মোট রেসপন্স ২৪,৪৪২




| জেলা       | রেসপন্স     | জেলা             | রেসপন্স     | জেলা       | রেসপন্স      | জেলা        | রেসপন্স    |
|------------|-------------|------------------|-------------|------------|--------------|-------------|------------|
| কক্সবাজার  | ৩৩৭ (১.৪%)  | গাজীপুর          | ৫৭৭ (২.৪%)  | ঝালকাঠি    | ১৫৪ (০.৬%)   | নরসিংদী     | ৩৩৬ (১.৪%) |
| কিশোরগঞ্জ  | ৩৮৫ (১.৬%)  | গোপালগঞ্জ        | ১৫৪ (০.৬%)  | ঝিনাইদহ    | ১৯২ (০.৮%)   | নাটোর       | ১৯০ (০.৮%) |
| কুড়িগ্রাম | ২৯৩ (১.২%)  | চট্টগ্রাম        | ১৮৩৮ (৭.৫%) | টাঙ্গাইল   | ৪৪১ (১.৮%)   | নারায়ণগঞ্জ | ৪০১ (১.৬%) |
| কুমিল্লা   | ১২২৮ (৫.০%) | চাঁদপুর          | ৫৪৩ (২.২%)  | ঠাকুরগাঁও  | ১৫৭ (০.৬%)   | নীলফামারী   | ২১০ (০.৯%) |
| কুষ্টিয়া  | ৩০৩ (১.২%)  | চাঁপাইনবাবগঞ্জ   | ১৭০ (০.৭%)  | ঢাকা       | ৪৯৬৮ (২০.৩%) | নেত্রকোণা   | ২২১ (০.৯%) |
| খাগড়াছড়ি | ৮২ (০.৩%)   | চুয়াডাঙ্গা      | ১৫৩ (০.৬%)  | দিনাজপুর   | ৩৩৯ (১.৪%)   | নোয়াখালী   | ৬৪৯ (২.৭%) |
| খুলনা      | ৫৫৮ (২.৩%)  | জয়পুরহাট        | ১১৭ (০.৫%)  | নওগাঁ      | ২৫৪ (১.০%)   | পঞ্চগড়     | ১০০ (০.৪%) |
| গাইবান্ধা  | ২৮৫ (১.২%)  | জামালপুর         | ২৭৮ (১.১%)  | নড়াইল     | ১১১ (০.৫%)   | পটুয়াখালী  | ২৩৯ (১.০%) |
| পাবনা      | ৩০৭ (১.৩%)  | বান্দরবান        | ৩১ (০.১%)   | মেহেরপুর   | ৬০ (০.২%)    | লালমনিরহাট  | ১২৮ (০.৫%) |
| পিরোজপুর   | ২০৩ (০.৮%)  | ব্রাহ্মণবাড়িয়া | ৬১৭ (২.৫%)  | মৌলভীবাজার | ১৭৬ (০.৭%)   | শরীয়তপুর   | ১৬১ (০.৭%) |
| ফরিদপুর    | ২৪১ (১.০%)  | ভোলা             | ২৪১ (১.০%)  | যশোর       | ৪০০ (১.৬%)   | শেরপুর      | ১১৩ (০.৫%) |

|          |            |            |            |            |            |           |            |
|----------|------------|------------|------------|------------|------------|-----------|------------|
| ফেনী     | ৩৭৯ (১.৬%) | ময়মনসিংহ  | ৫৭৬ (২.৪%) | রংপুর      | ৩৯৩ (১.৬%) | সাতক্ষীরা | ২৬৪ (১.১%) |
| বগুড়া   | ৪৯৭ (২.০%) | মাগুরা     | ১১০ (০.৫%) | রাঙ্গামাটি | ৫৯ (০.২%)  | সিরাজগঞ্জ | ৩৪২ (১.৪%) |
| বরগুনা   | ১৩৪ (০.৫%) | মাদারীপুর  | ১৫১ (০.৬%) | রাজবাড়ী   | ১৩৫ (০.৬%) | সিলেট     | ৪৯২ (২.০%) |
| বরিশাল   | ৪৫৮ (১.৯%) | মানিকগঞ্জ  | ১৪৫ (০.৬%) | রাজশাহী    | ৩৪০ (১.৪%) | সুনামগঞ্জ | ১৭৭ (০.৭%) |
| বাগেরহাট | ১৯৪ (০.৮%) | মুন্সিগঞ্জ | ১৭০ (০.৭%) | লক্ষ্মীপুর | ৩১৮ (১.৩%) | হবিগঞ্জ   | ১৬৭ (০.৭%) |

**মতামত:** উত্তরদাতাদের ঢাকা জেলার সর্বাধিক। পরবর্তীতে রয়েছে চট্টগ্রাম ও কুমিল্লা।

#### ৫। সংস্কারের মাধ্যমে কেমন পুলিশ দেখতে চান? (উত্তর একাধিক হতে পারে)


মোট রেসপন্স ২৪,৪৪২



**মতামত:** সংস্কারের মাধ্যমে কেমন পুলিশ চান জানতে চাওয়া হলে সর্বাধিক মতামত পড়েছে দু'টি ক্ষেত্রে: ১ম অবস্থানে রাজনৈতিক প্রভাবমুক্ত ও ২য় অবস্থানে আইনের প্রতি অনুগত/নিরপেক্ষ পুলিশ, তৃতীয় অবস্থানে রয়েছে দুর্নীতিমুক্ত পুলিশ।

#### ৬। কোন কোন ক্ষেত্রে সংস্কার খুব জরুরি মনে করেন? (উত্তর একাধিক হতে পারে)

মোট রেসপন্স ২৪,৪৪২



**মতামত:** পুলিশকে রাজনৈতিক উদ্দেশ্যে ব্যবহারের অবসান চায় ৮৯.৫% উত্তরদাতা। ক্ষমতার অপব্যবহার করে পুলিশের দুর্নীতি বন্ধ চায় ৭৭.৯% উত্তরদাতা। গুম, বিচারবহির্ভূত হত্যাকাণ্ডের মানবাধিকার চরম মানবিকতার লংঘন বিবেচনায় অপরাধী পুলিশকে জবাবদিহি ও শাস্তির আওতায় আনার পক্ষে মত দিয়েছে ৭৪.৯% উত্তরদাতা।

৭। বিগত কর্তৃত্ববাদী সরকারের আমলে পুলিশ কর্তৃক ‘গায়েবী/ভুঁয়া মামলা’ দিয়ে বিরোধী দলমত দমন করে আইনের অপব্যবহারের অপসংস্কৃতি চালু হয়েছে। আইনের অপব্যবহার রোধকল্পে আপনি কি মামলা রুজুর ক্ষেত্রে ফৌজদারি কার্যবিধি ১৮৯৮ এর সংশ্লিষ্ট ধারাটির সংস্কার চান?


মোট রেসপন্স ২৪,৪৪২



মতামত: ভুঁয়া বা গায়েবী মামলার অপসংস্কৃতির সংস্কার চান শতকরা ৯৫ ভাগ উত্তরদাতা।

৮। উত্তর হা হলে কেমন সংস্কার চান? (উত্তর একাধিক হতে পারে)


মোট রেসপন্স ২৩,০৭৭



মতামত: ভুঁয়া বা গায়েবী মামলার ভয়ভীতির মাধ্যমে আর্থিক লেনদেন বন্ধে কার্যকর ব্যবস্থা চায় ৮১.৯% উত্তরদাতা এক্ষেত্রে মৃতব্যক্তি, অনিবাসী বা নিরাপরাধ ব্যক্তির নামে অভিযোগ দায়েরের বিরুদ্ধে আইনগত ব্যবস্থা চায় ৭৪.৫%। তবে সংশ্লিষ্ট আইনের ধারা সংস্কার করে থানার ওসির কাছে প্রাক-যাচাইয়ের আইনগত ক্ষমতা প্রদান সমর্থন করেছেন ৬৯.২%। তিনটি ক্ষেত্রেই সংস্কার হিসাবে প্রণিধানযোগ্য বিবেচনা করা যায়।

৯। পুলিশের বিরুদ্ধে বিক্ষোভ মিছিল মোকাবেলা ও বিরোধী দলমত দমনে মাত্রারিক্ত বলপ্রয়োগসহ মানবাধিকার লঙ্ঘনের গুরুতর অভিযোগ উত্থাপিত হয়েছে। মানবাধিকার সুরক্ষায় আপনার পরামর্শ কী? (উত্তর একাধিক হতে পারে)

মোট রেসপন্স ২৪,৪৪২




- আন্তর্জাতিক মানবাধিকার সনদের নির্দেশাবলী যথাযথ অনুসরণের জন্য পুলিশ প্রবিধানমালায় বিধান অন্তর্ভুক্ত করা যায়।
- পুলিশকে মানবাধিকার বিষয়ে নিয়মিত প্রশিক্ষণের ব্যবস্থা চালু রাখতে হবে।
- মানবাধিকার লঙ্ঘনের অপরাধকে ফৌজদারি অপরাধ গণ্য করে বিধান জারী করা প্রয়োজন।
- বার্ষিক কর্মমূল্যায়ন প্রতিবেদনে সংশ্লিষ্ট পুলিশ সদস্যের মানবাধিকার বিষয়ে অর্জিত স্কোর ‘পুরস্কার বা তিরস্কারে’ অর্ন্তভুক্ত করা সমীচীন হবে।

**মতামত:** বিক্ষোভ মিছিল মোকাবিলা ও বিরোধী দলমত দমনে মাত্রারিক্ত বল প্রয়োগ করে মানবাধিকার লঙ্ঘন ফৌজদারি অপরাধ বিবেচনায় সংশ্লিষ্ট পুলিশ সদস্যের বিরুদ্ধে ৭১.৫% (প্রায়) উত্তরদাতা শাস্তি চায়। অন্যদিকে ৬৮.৮% উত্তরদাতা আন্তর্জাতিক মানবাধিকার নির্দেশনা অন্তর্ভুক্ত করে প্রতিস্থাপিত প্রমিত পদ্ধতি (SOP) অনুসরণকে প্রবিধানভুক্ত করার পক্ষে মত দিয়েছেন। তাছাড়া মানবাধিকারের প্রতি শ্রদ্ধাশীল ও অনুগত পুলিশ সদস্যকে উৎসাহিত করতে বার্ষিক কর্মমূল্যায়নে পুরস্কার ও তিরস্কারের ব্যবস্থা রাখার পক্ষে ৬৮.২৭% সমর্থন করেছেন। যেহেতু মানবাধিকার বিষয়টি বর্তমান প্রেক্ষাপটে একটি স্পর্শকাতর ও সহানুভূতিপ্রবন বিষয় হিসেবে গুরুত্ব পাচ্ছে তাই মানবাধিকার লঙ্ঘনজনিত অপরাধের শাস্তি সাধারণ নাগরিকের চেয়ে ইউনিফর্মধারী পুলিশ বাহিনীর জন্য দ্বিগুন নির্ধারণ করে আইনভুক্ত করার জন্য জোর সুপারিশ করা যায়।

১০। ‘শান্তিপূর্ণভাবে রাস্তাঘাট বা জনচলাচলে বিঘ্ন না ঘটিয়ে সভা-সমাবেশ আয়োজনের ক্ষেত্রে মেট্রোপলিটন এলাকায় পুলিশ কমিশনারের পূর্ব অনুমতি গ্রহণে বর্তমানে যে বাধ্যবাধকতা চালু রয়েছে তা নাগরিকের সাংবিধানিক অধিকার খর্ব করে’ আপনি কি এই প্রত্যয়ের সাথে একমত? (যেকোন একটি)


মোট রেসপন্স ২৪,৪৪২



| উত্তর              | রেসপন্স      |
|--------------------|--------------|
| জোরালোভাবে একমত    | ৭০০৩ (২৮.৭%) |
| একমত               | ৫৬২৫ (২৩.১%) |
| নিশ্চিত না/ জানিনা | ২৬৫১ (১০.৮%) |
| তেমন খর্ব করে না   | ৪১৯০ (১৭.১%) |
| মোটের একমত নই      | ৪৯৭৩ (২০.৩%) |

১১। দেশে গণতান্ত্রিক পরিবেশ বিকাশে সভা-সমাবেশ করার অধিকার সমুন্নত রাখতে আপনি কি বর্তমানে প্রচলিত ৬ নং প্রপ্নে উল্লিখিত বিধানটির সংস্কার চান?

মোট রেসপন্স ২৪,৪৪২




| উত্তর | রেসপন্স       |
|-------|---------------|
| হ্যাঁ | ১৭৪১১ (৭১.২%) |
| না    | ৭০৩১ (২৮.৮%)  |

মতামত: (১০ ও ১১নং ক্রমিক) সভাসমাবেশ আয়োজনে মেট্রোপলিটন পুলিশ কমিশনের পূর্বানুমতিগ্রহণকে মৌলিক অধিকার পরিপন্থি মনে করেন ৫১.৮% উত্তরদাতা। অন্যদিকে প্রত্যয়টির সাথে সম্পূর্ণ একমত নন ৩৭.৪%। ১০.৮% উত্তরদাতা এ বিষয়ে অনিশ্চিত বা দ্বিধাশ্রিত। একটি বিষয় স্পষ্ট যে সংবিধানের ৩৭নং অনুচ্ছেদে সভাসমাবেশ আয়োজন মতপ্রকাশের মৌলিক অধিকার স্বীকৃত হয়েছে। তবে ঢাকা মেট্রোপলিটন আইন ১৯৭৬ এর ২৯নং ধারা অনুযায়ী পুলিশ কমিশনারকে অনুরূপ সমাবেশ জনস্বার্থে সর্বোচ্চ ৩০ দিন স্থগিত করার ক্ষমতা দেয়া হয়েছে। কিন্তু আয়োজনে পূর্বানুমতি গ্রহণের বিষয়টি সেখানে উল্লেখ নেই। দেশে গণতান্ত্রিক পরিবেশ বিকাশে ৭১.২ ভাগ উত্তরদাতা বিধানটির পরিবর্তন চান। বিষয়টি বিবেচনার জন্য সুপারিশ করা যায়।

১২। ফৌজদারি কার্যবিধি ১৮৯৮ এর ৫৪ ধারায় পুলিশকে প্রদত্ত বিনা ওয়ারেন্টে গ্রেফতারের ক্ষমতাকে কি আপনি একটি সহজে অপব্যবহারযোগ্য আইনের বিধান মনে করেন?


মোট রেসপন্স ২৪,৪৪২



| উত্তর | রেসপন্স       |
|-------|---------------|
| হ্যাঁ | ২০১৬৯ (৮২.৫%) |
| না    | ৪২৭৩ (১৭.৫%)  |

১৩। উত্তর হা হলে আপনি আইনটির কেমন সংস্কার চান? (যেকোন একটি টিক (✓) দিন)

মোট রেসপন্স ২১,৬৩৭




- আইনের ধারাটি সংস্কার করে যুগোপযোগী করা যায়।
- এ ধারায় প্রদত্ত ক্ষমতার অপব্যবহার রোধকল্পে বিভিন্ন সময়ে উচ্চ আদালতের নির্দেশনা বাস্তবায়ন করা জরুরি।
- গণতান্ত্রিক সমাজের মূল্যবোধ সুসংহত রেখে ক্ষমতার অপব্যবহার রোধে উচ্চ আদালতের সুপারিশ মতে ৫৪ ধারার বিধান সংশোধন করা যায়।

| উত্তর                                                                                                                   | রেসপন্স       |
|-------------------------------------------------------------------------------------------------------------------------|---------------|
| আইনের ধারাটি সংস্কার করে যুগোপযোগী করা যায়।                                                                            | ১০০০৩ (৪৬.২%) |
| এ ধারায় প্রদত্ত ক্ষমতার অপব্যবহার রোধকল্পে বিভিন্ন সময়ে উচ্চ আদালতের নির্দেশনা বাস্তবায়ন করা জরুরি                   | ৩০৪৮ (১৪.১%)  |
| গণতান্ত্রিক সমাজের মূল্যবোধ সুসংহত রেখে ক্ষমতার অপব্যবহার রোধে উচ্চ আদালতের সুপারিশ মতে ৫৪ ধারার বিধান সংশোধন করা যায়। | ৮৫৮৬ (৩৯.৭%)  |

মতামত: (১২ ও ১৩নং ক্রমিক) উত্তরদাতাদের শতকরা ৮২.৫% ফৌজদারি কার্যবিধির ৫৪ ধরা বিধানকে সহজে অপব্যবহারযোগ্য আইনের বিধান মনে করেন। উত্তরদাতাদের ৪৬.২% ধারাটি যুগোপযোগী সংস্কার চান। ঔপনিবেশিক আমলে প্রণীত ৫৪ ধারায় বিধান যুগোপযোগী করার অর্থ গণতান্ত্রিক মূল্যবোধ সমুন্নত রেখে বিজ্ঞানসম্মত জীবনমাত্রার সুফলযুক্ত ব্যবস্থা। এক্ষেত্রে ৩৯.৭% উচ্চ আদালতের সুপারিশমতে ৫৪ ধারায় বিধান সংশোধনের পক্ষে মত দিয়েছেন। দুটি মতামতই প্রাধান্যযোগ্য।

১৪। ফৌজদারি কার্যবিধি ১৮৯৮ এর ১৬৭ ধারায় পুলিশ হেফাজতে বা রিমান্ডে (Remand) আসামীকে জিজ্ঞাসাবাদের সময় নির্যাতন ও মানবাধিকার লঙ্ঘনের অভিযোগ রয়েছে। কখনো কখনো পুলিশ হেফাজতে আসামি বা সন্দেহভাজন আটক ব্যক্তিকে নির্যাতন ও হেফাজত মৃত্যু নিয়ে জনমনে ব্যাপক সমালোচনা ও স্ফোভ সঞ্চারিত হয়। আপনি কি আইনের ধারাটি সংস্কার চান?

মোট রেসপন্স ২৪,৪৪২




- হা
- না

| উত্তর | রেসপন্স       |
|-------|---------------|
| হা    | ২২৪২০ (৯১.৭%) |
| না    | ২০২২ (৮.৩%)   |

১৫। উত্তর হা হলে পুলিশ কর্তৃক রিমান্ডে আসামি বা আটক ব্যক্তিকে জিজ্ঞাসাবাদের সময় ক্ষমতা অপব্যবহার রোধকল্পে কী ব্যবস্থা গ্রহণ ফলপ্রসূ মনে করেন? (উত্তর একাধিক হতে পারে)


মোট রেসপন্স: ২২,৬৮১



**মতামত:** (১৪ ও ১৫ ক্রমিক) ফৌজদারি কার্যবিধির ১৬৭ ধারায় পুলিশ হেফাজতে বা রিমান্ডে আসামীকে জিজ্ঞাসাবাদের ধারাটি সংশোধন/সংস্কার চান ৯১.৭% উত্তরদাতা। তন্মধ্যে ৮০.৯% উত্তরদাতা নারী আসামিকে যথেষ্ট শালীনতার সাথে নারী পুলিশের উপস্থিতিতে জিজ্ঞাসাবাদের পক্ষে মতামত দিয়েছে। আটক ব্যক্তিকে জিজ্ঞাসাবাদের জন্য প্রতি থানায় স্বচ্ছ কৌচের ঘোরাটোপ ব্যবস্থা সম্বলিত আলাদা জিজ্ঞাসাবাদ কক্ষ থাকার পক্ষে দ্বিতীয় সর্বাধিক ৮০.২% মতামত এসেছে। রিমান্ড সংক্রান্ত মাননীয় হাইকোর্ট বিভাগের নির্দেশনায় (রিট মামল নং ৩৮০৬, ১৯৯৮ সন) এ মতামতগুলো প্রদত্ত হয়েছে যা বাস্তবায়ন জরুরি।

১৬। ইদানিং দেখা যাচ্ছে যে, রাতের বেলায় বিভিন্ন আইন-শৃঙ্খলা বাহিনীর সদস্যরা কখনো সাদা পোশাকে অথবা কখনো ইউনিফর্ম পরিহিত অবস্থায় গৃহ তল্লাশি করছে। তাদের কাছে প্রায়শই কোনো সার্চ ওয়ারেন্ট বা তল্লাশি পরওয়ানা থাকে না। কখনো আটক ব্যক্তিকে ধরে নিয়ে গেলে আনুষ্ঠানিকভাবে স্বীকার করা হয় না। এগুলো বলপূর্বক গুম বা অন্তর্ধানের সহায়ক কার্যক্রম। এমন নাজুক পরিস্থিতি উত্তরণে আপনার পরামর্শ কি? (উত্তর একাধিক হতে পারে)

মোট রেসপন্স: ২৪,৪৪২




**মতামত:** তল্লাশীর সময় পরিচয় দিতে অস্বীকার করলে বা বিনা সার্চ ওয়ারেন্ট তল্লাশী করতে চাইলে তার প্রতিকারে একটি কার্যকর কল সার্ভিস চালুর পক্ষে সর্বাধিক ৮৭% উত্তরদাতা মত দিয়েছেন। সে সাথে আরও দু’টি বিষয়ে তারা ব্যবস্থা চান (১) অভিযানের সময় জিপিএস ট্র্যাকিং সিস্টেম ও ভিডিও রেকর্ডিং ডিভাইসসহ পোশাক পরিধানের উপর জোর দিয়েছেন (৭৭.৪%) (২) রাতের বেলায় গৃহ তল্লাশী করার ক্ষেত্রে ম্যাজিস্ট্রেট বা স্থানীয় সরকারের প্রতিনিধি বা গণ্যমান্য ব্যক্তির উপস্থিতি অপরিহার্য চায় ৭৫% উত্তরদাতা। জনমত জরীপে প্রাপ্ত মতামত অন্তর্ভুক্ত করে প্রবিধানমালা জারীর ব্যবস্থা সুপারিশ করা যায়।

১৭। বাংলাদেশ পুলিশ বিভিন্ন ধরনের গণমুখী সেবা কার্যক্রম বাস্তবায়ন করে থাকে। নিচের তালিকা বর্ণিত কার্যক্রম বিষয়ে আপনার মূল্যায়ন কর্মসূচি নবায়ন ও মান উন্নয়নে সহায়তা করবে। সকল বক্স পূরণ করুন।

(I) ৯৯৯ জরুরি কল সার্ভিস


মোট রেসপন্স: ২৪,৪৪২



| উত্তর            | রেসপন্স       |
|------------------|---------------|
| ১. সন্তোষজনক     | ১৩৮২৩ (৫৬.৬%) |
| ২. সন্তোষজনক নয় | ৭৯২৮ (৩২.৪%)  |
| ৩. অবগত নই       | ২৬৯১ (১১.০%)  |

(II) অনলাইন পুলিশ ক্লিয়ারেন্স


মোট রেসপন্স: ২৪,৪৪২



| উত্তর            | রেসপন্স       |
|------------------|---------------|
| ১. সন্তোষজনক     | ৭৯২৬ (৩২.৪%)  |
| ২. সন্তোষজনক নয় | ১০৯৮৫ (৪৪.৯%) |
| ৩. অবগত নই       | ৫৫৩১ (২২.৬%)  |

(III) ভিস্তিম সাপোর্ট সেন্টার


মোট রেসপন্স: ২৪,৪৪২



| উত্তর            | রেসপন্স       |
|------------------|---------------|
| ১. সন্তোষজনক     | ৬৫১৯ (২৬.৭%)  |
| ২. সন্তোষজনক নয় | ১০২৭২ (৪২.০%) |
| ৩. অবগত নই       | ৭৬৫১ (৩১.৩%)  |

(IV) কমিউনিটি ও বিটপুলিশং কার্যক্রম


মোট রেসপন্স: ২৪,৪৪২



| উত্তর            | রেসপন্স       |
|------------------|---------------|
| ১. সন্তোষজনক     | ৫৭৬৭ (২৩.৬%)  |
| ২. সন্তোষজনক নয় | ১১২০৫ (৪৫.৮%) |
| ৩. অবগত নই       | ৭৪৭০ (৩০.৬%)  |

(V) থানায় অনলাইন জিডি করার কার্যক্রম


মোট রেসপন্স: ২৪,৪৪২



| উত্তর            | রেসপন্স       |
|------------------|---------------|
| ১. সন্তোষজনক     | ৯১৭২ (৩৭.৫%)  |
| ২. সন্তোষজনক নয় | ১০৯৮৬ (৪৪.৯%) |
| ৩. অবগত নই       | ৪২৮৪ (১৭.৫%)  |

(VI) নারী, শিশু, বয়স্ক, প্রতিবন্ধী ডেস্ক


মোট রেসপন্স: ২৪,৪৪২



| উত্তর            | রেসপন্স      |
|------------------|--------------|
| ১. সন্তোষজনক     | ৭৬৪৫ (৩১.৩%) |
| ২. সন্তোষজনক নয় | ৯৩৯৭ (৩৮.৪%) |
| ৩. অবগত নই       | ৮০০ (৩০.৩%)  |

(VII) সাইবার ক্রাইম সংক্রান্তে মহিলা হেল্প লাইন


মোট রেসপন্স: ২৪,৪৪২



| উত্তর            | রেসপন্স      |
|------------------|--------------|
| ১. সন্তোষজনক     | ৬৮৩৪ (২৮.০%) |
| ২. সন্তোষজনক নয় | ৮৬৭১ (৩৫.৫%) |
| ৩. অবগত নই       | ৮৯৩৭ (৩৬.৬%) |

(VIII) ই-ট্রাফিকিং প্রসিকিউশন

মোট রেসপন্স: ২৪,৪৪২



| উত্তর            | রেসপন্স      |
|------------------|--------------|
| ১. সন্তোষজনক     | ৫৮৮৫ (২৪.১%) |
| ২. সন্তোষজনক নয় | ৯২৪৭ (৩৭.৮%) |
| ৩. অবগত নই       | ৯৩১০ (৩৮.১%) |


**মতামত:** পুলিশ কর্তৃক পরিচালিত কিছু জনবান্ধব সেবামূলক কর্মসূচি দীর্ঘদিন হতে পরিচালিত হয়ে আসছে। তন্মধ্যে ১৪নং প্রশ্নে ৮টি চলমান পরিচিত কর্মসূচি সম্পর্কে জনমতে জানতে চাওয়া হয়। প্রাপ্ত তথ্য বিশ্লেষণে সহজে অনুমান করা যায় যে হাতে গোনা ১/২ টি কর্মসূচি ছাড়া বাকীগুলোর কার্যক্রম সন্তোষজনক নয় অথবা তাদের কাজকর্ম জনমতে তেমন ইতিবাচক কোন প্রভাব ফেলতে পারেনি। পর্যালোচনায় দেখা যায়, ৯৯৯ জরুরি কল সার্ভিসটি ৫৬% উত্তরদাতা সন্তোষজনক জানিয়েছে। এটি বহুল প্রচারিত একটি সেবা কার্যক্রম। অথচ ৪৩.৪% উত্তরদাতা সন্তোষজনক নয় বা অবগত নয় জানিয়েছে।

**অনলাইন পুলিশ ক্লিয়ারেন্স:** এটি তেমন জনমতে প্রভাব ফেলতে পারেনি। সেবার উন্নতির জন্যে প্রয়োজনীয় ব্যবস্থা গ্রহন জরুরি।  
**ডিস্ট্রিক্ট সাপোর্ট সেন্টার:** মাত্র ২৬.৭% উত্তরদাতা এ সেবার কার্যক্রম সন্তোষজনক জানিয়েছে। উন্নতির জন্যে প্রয়োজনীয় ব্যবস্থাগ্রহন জরুরি।  
**কমিউনিটি ও বিট পুলিশিং কার্যক্রম:** কার্যক্রম সন্তোষজনক নয় ৪৫.৮% উত্তরদাতা জানিয়েছে। উন্নতিকল্পে ব্যবস্থা গ্রহন জরুরি।  
**অনলাইন জিডি কার্যক্রম:** অতি প্রয়োজনীয় একটি সেবা কার্যক্রম। এখানেও ৪৪.৯% উত্তরদাতা সন্তোষজনক নয় জানিয়েছে।  
**নারী, শিশু, বয়স্ক, প্রতিবন্ধী ডেস্ক:** কার্যক্রমটির বিষয়ে অসন্তুষ্টি বেশি। অথচ খুবই প্রয়োজনীয় একটি ডেস্ক। তবে এটি মূলত পরিচালিত হয় শিশু ও মহিলা বিষয়ক মন্ত্রণালয়ের আওতাধীন যেখানে পুলিশ সম্পৃক্ত। সেবাকাজে উন্নতি খুবই কাঙ্ক্ষিত।  
**সাইবার ক্রাইম সংক্রান্তে মহিলা হেল্প লাইন:** সাইবার বুলিং ও সাইবার ক্রাইম সংক্রান্তে ভুক্তভোগী মেয়েদের প্রতিকারের জন্য এটি অনলাইন ব্যবস্থা। তবে কার্যক্রম সন্তোষজনক নয়। ৭২.১% উত্তরদাতা সন্তোষজনক নয় বা অবগত নয় জানিয়েছেন। অতি জরুরি একটি সেবা কার্যক্রমের উন্নতি প্রয়োজন।  
**ই-ট্রাফিকিং প্রসিকিউশন:** এ সেবা কার্যক্রমটিও সন্তোষজনক নয়।

**মোদাকথা,** পুলিশের সেবামূলক কার্যক্রমের যথেষ্ট উন্নতি প্রয়োজন। আরো আন্তরিক ও নিষ্ঠার সাথে জনবান্ধব পুলিশিং এর জন্য জোর প্রচেষ্টা ও প্রচার প্রয়োজন। পুলিশকে সেবামূলক ও জনবান্ধব হিসাবে প্রতিষ্ঠা করার লক্ষ্যে দ্রুত উল্লিখিত কর্মসূচীগুলি তথ্য মন্ত্রণালয়ের সহায়তায় পুলিশ সদর দপ্তরের কার্যকর মনিটরিংয়ের মাধ্যমে বহুল প্রচারসহ গতিসঞ্চার করা অপরিহার্য।

১৮। পুলিশের বিরুদ্ধে মানবাধিকার লঙ্ঘনসহ ক্ষমতার অপব্যবহারের অভিযোগ তদন্ত কিভাবে করা যুক্তিসঙ্গত মনে করেন?  
(যেকোন একটি টিক (✓) দিন)

মোট রেসপন্স: ২৪,৪৪২



| উত্তর                                                                                                                               | রেসপন্স       |
|-------------------------------------------------------------------------------------------------------------------------------------|---------------|
| সম্পূর্ণ স্বাধীন একটি সংগঠনের মাধ্যমে তদন্ত করা যায়                                                                                | ১৪৬৬১ (৬০.০%) |
| মাননীয় হাইকোর্ট বিভাগের একজন অবসরপ্রাপ্ত বিচারপতির নেতৃত্বে গঠিত স্থায়ী তদন্ত কমিশনের মাধ্যমে তদন্তের ব্যবস্থা নেয়া যায়         | ৪৮৯৫ (২০.০%)  |
| জাতীয় মানবাধিকার কমিশন আইন ২০০৯এর সংশ্লিষ্ট ধারা সংশোধন করে এধরনের অভিযোগ তদন্তে জাতীয় মানবাধিকার কমিশনকেই ক্ষমতাপ্রদান করা যায়। | ৪৮৮৬ (২০.০%)  |

**মতামত:** পুলিশের বিরুদ্ধে মানবাধিকার লঙ্ঘনের অভিযোগ তদন্তের জন্য ৬০% উত্তরদাতা একটি স্বাধীন সংগঠনের মাধ্যমে তদন্তের পক্ষে মতামত দিয়েছে। বর্তমানে পুলিশের বিরুদ্ধে এ ধরনের অভিযোগ তদন্তে স্বাধীন কোন সংগঠন নেই। জাতীয় মানবাধিকার কমিশন আইন ২০০৯ এর ১৮নং ধারায় পুলিশ তথা আইন-শৃঙ্খলা বাহিনীর বিরুদ্ধে এমন অভিযোগ তদন্তে কমিশনকে নিবৃত্ত রাখা হয়েছে। জরীপে বাদবাকী ৪০% উত্তরদাতা সমান দু'ভাগে বিভক্ত হয়েছে। এক অংশ মনে করেন মাননীয় হাইকোর্ট বিভাগের একজন অবসরপ্রাপ্ত বিচারপতির নেতৃত্বে একটি স্থায়ী তদন্ত কমিশনের মাধ্যমে পুলিশের বিরুদ্ধে মানবাধিকার লঙ্ঘনের অভিযোগ তদন্ত করতে পারেন। অপর অংশ মানবাধিকার কমিশনকেই আইন সংশোধনের মাধ্যমে ক্ষমতাপ্রদানের পক্ষে মতামত ব্যক্ত করেছেন।

যেহেতু মানবাধিকার লঙ্ঘন একটি স্পর্শকাতর বিষয় তাই এটিকে বিশেষ গুরুত্বারোপ করা এখন সময়ের দাবী। কমিশন এক্ষেত্রে জাতীয় মানবাধিকার কমিশনকে ক্ষমতাপ্রদানসহ একটি স্থায়ী তদন্ত কমিশন গঠনের পক্ষে সুপারিশ করেছে। তবে তদন্ত কমিশনের গঠন ও এখতিয়ার এবং জাতীয় মানবাধিকার কমিশনের এখতিয়ার সুস্পষ্টভাবে আইনের মাধ্যমে নির্ধারণ করার পক্ষে মতামত প্রদান ও সুপারিশ করা যায়।

১৯। পুলিশকে জবাবদিহিমূলক করার লক্ষ্যে এবং বিভিন্ন স্বার্থাশ্রেষ্টী মহলের প্রভাবমুক্ত রাখতে কোন ব্যবস্থা গ্রহণ আবশ্যক মনে করেন? (যেকোন একটি টিক (✓) দিন)

মোট রেসপন্স: ২৪,৪৪২



| উত্তর                                                                        | রেসপন্স       |
|------------------------------------------------------------------------------|---------------|
| সাংবিধানিক কাঠামোর আওতায় একটি স্বাধীন 'পুলিশ ন্যায়পাল' প্রতিষ্ঠা করা যায়। | ১০০৪৪ (৪১.১%) |
| পুলিশের জন্য আলাদা একটি নিয়ন্ত্রণকারী সংস্থা বা কমিশন গঠন করা যায়।         | ১৪৩৯৮ (৫৮.৯%) |

**মতামত:** পুলিশকে জবাবদিহি ও বিভিন্ন প্রভাবমুক্ত রাখার লক্ষ্যে একটি নিয়ন্ত্রণকারী সংস্থা বা কমিশনের পক্ষে ৫৮.৯% উত্তরদাতা মতামত দিয়েছেন। অন্যদিকে সাংবিধানিক কাঠামোর আওতায় পুলিশের জন্য স্বাধীন ন্যায়পাল প্রতিষ্ঠার পক্ষে ৪১.১% মতামত দিয়েছেন। এ বিষয়ে পুলিশ কমিশন বা পুলিশ ন্যায়পাল প্রতিষ্ঠা কোনটি যুগোপযুগী ও জনস্বার্থে অধিক ফলপ্রসূ ও কাম্য তা বিবেচনার পূর্বে পুলিশ কমিশন গঠন, ক্ষমতা ও এখতিয়ার কী হবে এবং কীভাবে বাস্তবায়নযোগ্য তা বিবেচনা ও ইতোমধ্যে বিভিন্ন দেশে অনুরূপ কমিশন গঠনের অভিজ্ঞতার আলোকে যাচাই-বাচাই করে এ কমিশন হতে একটি মতামত প্রণয়ন করা যেতে পারে।

**বিশেষ বিশ্লেষণ:**

প্রশ্নমালার ৮,১২,৩১ ক্রমিকে ব্যক্তিগত মতামত প্রদানের বিষয়গুলো পদ্ধতিগতভাবে বিশ্লেষণ করা সম্ভবপর হয়নি। যেহেতু অধিকাংশ উত্তরদাতা প্রশ্নের সাথে সামাজিক রেখে উত্তর দেননি। তাছাড়া এত অধিকসংখ্যক উত্তরদাতার বিভিন্নমুখী বক্তব্য লিপিবদ্ধ করার মত ফরমেট পরিবর্তন করে তথ্যবদ্ধ করা সময় সাপেক্ষ। তবে বিষয়গুলো নিয়ে কমিশন সভায় দ্বৈবচয়ন করে আলোচনা করা যেতে পারে।